

**Talamdan sa
Mga Mensahe sa Full-time Training
sa Spring Term sa 2022**

**LINANGKOB NGA HISGOTANAN:
MGA CAPITULO 5 HANGTOD SA 8 SA ROMA—
ANG UYOK SA BIBLIA**

Mensahe 8

Ipatumong sa Espiritu ang Salabotan

Basahong Kasulatan: Rom. 8:4-7; 12:2; Efe. 4:18, 23; 1 Juan 5:11-13; Fil. 4:7

I. Kinahanglan makaamgo ta nga panggubatan ang salabotan—Mat. 16:23; Efe. 6:12, 16-17:

- A. Kay naa man nato si Satanas ug ang Dios, nahimo nang panggubatan tali sa Dios ug ni Satanas ang atong salabotan—2 Cor. 10:4-5; 11:3.
- B. Naa sa atong salabotan ang panggubatan sa duha ka gingharian—sa gingharian ni Satanas ug sa gingharian sa Dios—Mat. 12:26, 28:
 - 1. Mapildi ang makinaugalingong salabotan, apan magmadaogon ang salabotan nag-salig sa espiritu—Rom. 7:23, 25; 8:5.
 - 2. Nausa ba ta ni Satanas o nausa sa Dios nag-agad man kon hain nato gipatumong ang atong salabotan—v. 6.
 - 3. Makat-on unta ta sa paghinulsol; nagpasabot ang paghinulsol nga iliso nato sa Ginoo ang atong salabotan—Mat. 3:2.
 - 4. Aron makaaway batok sa kaaway, kinahanglan masayod ta nga ang salabotan maoy panggubatan ug nga ang paagi nga mapanalipdan ug matabonan ang atong salabotan pagliso man niini sa Ginoo sa tanang panahon—Efe. 6:12, 16-17; Bug. 2:5, 16; 3:3, 19.

II. Sa Roma 8:6-8 ang mahinungdanong butang mao ang salabotan:

- A. Ang salabotan maoy nangunang bahin sa kalag, nga mao ang personalidad sa tawo, ang persona niya; tungod niana, nagrepresentar sa kalag, sa tawo mismo, ang salabotan—12:2; 15:5; 1 Cor. 1:10; 2:16; Fil. 2:5; 4:2.
- B. Sa Roma 8 neutral ang salabotan, naa sa tungatunga sa gipanganak pag-usab nga nasa-gol nga espiritu ug sa hulog nga lawas, sa unod.
- C. Gipakita sa Roma 7 ug 8 nga malagmit dunay duha ka managlahing lihok ang salabotan, nga makapaanaa nato sa espiritu o sa unod ba:
 - 1. Kon mosalig ug modugtong ang salabotan sa gipanganak pag-usab nga espiritu, nga nasagol sa Espiritu sa Dios, dad-on ta niini sa espiritu ug sa pagpahimulos sa dios-nong Espiritu isip balaod sa kinabuhi—vv. 2, 6.
 - 2. Kon modugtong sa unod ang salabotan ug magkinaugalingog buhat, dad-on ta niini sa unod, nga maghimo natong kaaway sa Dios ug dili makapahimuot Niya—vv. 6-8.

III. Kadtong uyon sa espiritu nagtagad sa mga butang nga iya sa Espiritu—vv. 4-5:

- A. Ang mga butang nga iya sa Espiritu mga butang man kalabot ni Cristo, nga nadawat sa Espiritu ug gipaila kanato—v. 5; Juan 16:14-15.
- B. Sa pagbansay nato sa atong espiritu nga magtagad sa mga butang nga iya sa Espiritu, sa kadugayan mahiuyon sa espiritu ang tibuok natong pagkatawo—Rom. 8:4.
- C. Sa linetra, “ang salabotang gipatumong sa espiritu” mao ang salabotan sa espiritu.

D. Ang pagpatumong sa salabotan diha sa espiritu pareho ra sa pagtagad sa mga butang sa Espiritu sa versiculo 5.

IV. Ang pagpatumong sa salabotan diha sa espiritu maoy yawi sa kamatayon ba o sa kinabuhi—v. 6:

A. Kamatayon ang salabotang gipatumong sa unod—v. 6a:

1. Makaila ta sa kamatayon kay mabati, mabatyagan, man nato ang kamatayon; dili ta mahimutang ug luya imbis malinawon ug buhi.
2. Ang mga pagbati sa sulod nga kabalaka, pagkawalay-katagbawan, kahaw-ang, ka-daan, kauga, kamatayon, panagbingkil, kabalisa, ug pagkaulipon mga aspeto man sa pagbati sa kamatayon—Mat. 6:31-32.
3. Magpasidaan gyod unta nato ang pagbati sa kamatayon, mag-awhag nato nga mag-paluwas gikan sa unod ug magkinabuhi diha sa espiritu—Rom. 8:4.

B. Kinabuhi ang salabotang gipatumong sa espiritu—v. 6b:

1. Sa tibuok uniberso ang kinabuhi ra sa Dios ang maisip nga kinabuhi—Juan 1:4; 10:10; 11:25.
2. Ang kinabuhi maoy sulod sa Dios ug ang pag-agay sa Dios; ang sulod sa Dios mao ang pagkamao sa Dios, ug ang pag-agay sa Dios mao ang pagpaambit sa Iyang Kaugalingon isip kinabuhi kanato—Efe. 4:18; Bug. 22:1.
3. Diosnon ang kinabuhi sa Dios, naay kinaiya sa Dios, ug walay kataposan, kay dili man linalang, walay sinugdan ug walay kataposan, naanaa-sa-iyang-kaugalingon, naa-kanunay, ug dili gyod mausab—Juan 3:15; 1 Juan 2:25; 5:13, 20.
4. Dili malaglag, dili mabungkag, ug dili madunot ang walay kataposang kinabuhi sa Dios, ug ang kinabuhi sa pagkabanhaw kini nga niagi sa pagsulay sa kamatayon ug sa Hades, nidaog sa kamatayon, ug molamoy sa kamatayon—Heb. 7:16; Buh. 2:24; Bug. 1:18.
5. Ang kinabuhing walay kataposan mao ang kinabuhing naa sa Anak sa Dios ug mao ang Anak sa Dios—1 Juan 5:11-12; 1:2.
6. Ang kinabuhi mao ang nahikay ug nahingpit nga Tulo-usang Dios nga gipaambit kanato ug nabuhi sa sulod nato—Rom. 8:6, 10-11.

C. Kalinaw ang salabotang gipatumong sa espiritu—v. 6b:

1. Kon gipatumong sa espiritu ang atong salabotan, magkauyon ang atong tawo sa sulod ug ang atong dayag nga mga buhat; walay kakulian tali nato ug sa Dios, ug mobati tag kalinaw sa sulod—1:7; 5:1; 14:17.
2. Gihisgotan sa Bag-ong Tugon ang kalinaw sa Dios ug ang Dios sa kalinaw—Fil. 4:7; Rom. 16:20:
 - a. Sa pagkatinuod ang kalinaw sa Dios mao ang Dios nga kalinaw nga gipatuho kanato sa pagpakig-ambitay nato Kaniya isip tambal-igsumpo sa kabalaka—Juan 16:33.
 - b. Dios sa kadait kun kalinaw ang atong Amahan, nga dunay madinaitong kinabuhi ug madinaitong kinaiya—Rom. 15:33; Mat. 5:9; Heb. 12:14; Sant. 3:18; 2 Tes. 3:16a.
3. Nagpahalunag bantay sa atong kasingkasing ug mga hunahuna diha ni Cristo Jesus ang Dios sa kalinaw; nagpatrolya Siya atubangan sa atong kasingkasing ug mga hunahuna diha ni Cristo—Fil. 4:7.
4. Pahusayon gyod nato ang kadait ni Cristo sa tanang butang sa atong kasingkasing; aron makahusay ang kadait ni Cristo sa atong kasingkasing, palingkoron gyod kini ingog magbubuot ug tigdesider sa tanang butang—Col. 3:15; Heb. 7:2.

D. Labi natong ipatumong sa espiritu ang atong salabotan, labi sab nga mabag-o ang atong salabotan—Rom. 12:2; Efe. 4:23:

1. Mokaylap na ngani sa atong salabotan ang Espiritung taghatag-og-kinabuhi, nga nag-puyo ug nasagol sa atong espiritu nga gipanganak na pag-usab, mahimong espiritu sa atong salabotan kining espirituha; pinaagi ning nasagol nga espiritu mabag-o ang atong salabotan aron matransporma ta—v. 23; Rom. 12:2.
2. Ang pagkabag-o sa atong salabotan, nga resulta sa pagpatumong sa salabotan sa espiritu, maoy basihan sa pagtransporma sa atong kalag; ang pagkabag-o nato aron man matransporma ta ngadto sa dagway ni Cristo—8:6; 12:2; 2 Cor. 3:18.
3. Ang atong salabotan maoy nangunang bahin sa atong kalag, ug sa mabag-o na kini, awtomatiko sab dayong mosunod sa pagkabag-o ang atong pagbuot ug pagbati.
4. Nagpasabot ang pagkabag-o og dunay bag-ong elemento nga giumol sa atong pagkawat; moresulta kinig metabolicong pagkatransporma sa sulod, nga maghimo natong angayan nga tukoron nga Lawas ni Cristo—Rom. 12:2, 4-5.